

Codex Laureshamensis Teil: Bd. 1, Einleitung, Regesten, Chronik Nr. 43 (Reg. 3518)

In nomine sanctae et individuae trinitatis. Hludouvicus divina favente gratia rex. Notum esse volumus omnibus sanctae dei ecclesiae fidelibus, nostrisque, presentibus scilicet et futuris, qualiter nos ob nostrae mercedis augmentum, et pro merito gratae servitutis, cuidam fidei nostro nomine Humboldo, quasdam res proprietatis nostrae concessimus, hoc est in pago nuncupato Wormazfeld, in comitatu Walonis, quicquid nostri beneficii in Alahesheim habere visus fuit, cum domibus, aedificiis, mancipiis, vineis, campis, agris, pratis, pascuis, silvis, cultis et incultis, aquis, aquarumve decursibus, viis et inviis, accessibus et adiacentiis, finibus, exitibus et regressibus, et cum omnibus appenditiis. Et iussimus ei inde fieri hoc nostrae auctoritatis preceptum, per quod decernimus atque iubemus, ut prefatus Humboldus, de his omnibus rebus quas ei in proprietatem et donationem condonavimus, nunc et deinceps omni tempore liberam in omnibus habeat potestatem, tenendi, donandi, possidendi, vendendi, commutandi, vel quicquid sibi libuerit faciendi, absque ullius personae contradicentis obstaculo. Et ut haec nostrae concessionis auctoritas, ut supra, omnia. Signum Hludouici M. serenissimi regis. Data X⁰ kl. oct. Anno et loco quo supra. Arnolfus cancellarius ad vicem Liutberti r.